

doctos & ignaros rei Theologicae dictitabant in sua schola & computationibus) quid expectabimus de posterioribus? Machinas igitur omnes adhibent, supplicat, plorant: rursus pollicentur omnia se facturos, modò ne cogantur delicati homines aulam sequi, quòd sumptus nimis graues, & molestiae subeundae essent aulicorum moru ignaris. Alteru eoru postulatu fuit vt reliquos articulos absolutos, Rex traderet examinados iudicibus ijs, qui tuc causas haereticorum cognoscebant: & simul de tota Roberti Stephani causa liberu illis iudiciu permitteret. En verò laqueos quibus me induere: vel potius foueam, in qua me intrudere querebant. Satis enim scitur quam se uam carnificinam Lysetus cum sua caterua exercuerit. Cũ annuisset quidam, (à cuius nomine consultò abstineo) destinor, Rege inscio, victima. Obsignatae dantur literae, quibus causa mea deuoluitur ad illos iudices, qui vt spòte improbi non essent, in eo tamen iniquissimi erga me futuri erant, quòd intrepidè dānabant, quencunque Theologi damnandū pronuntiasent. Nota erat nefaria in meam perniciem Collegii totius cōspiratio & truculentia. Quid igi-